





Digitized by the Internet Archive
in 2010 with funding from
Boston Public Library

COPIE DE

LA HARANGVE FAIT-
te en la presence du Roy à l'en-
tree des Estats, par les deputez
de la Rochelle, pour les Eglises
reformees.

Au raport de Marbault.

M. D C. X V.

(74) 945-18 20A

COPIE DE

LA MARIANNE

le 15 Mars 1847
des Etais, par les députés
de la Rochelle, pour
revenir etc.

De la Rochelle le 15 Mars 1847

M. D. C. X A

3

COPIE DE LA HARANGUE faicte en la presance du Roy à l'entree des Estats, par les deputez de la Rochelle, pour les Eglises reformees.

Au raport de Mathault.

*Au nom du Pere & du Fils, & du
Saint Esprit, Ainsi soit-il.*

IVsques à ce iour, nous auons resté en scilêce, Sire, & comme pauures brebis esgarees, sans chefs ny autres secours que celuy qui nous vient miraculeusement par le merite sans merite, de nos prieres volantes, assimantees de quelques meschans ieunes phantasticques, & non commandez, sommes demourez en post, & comme neutres, pendant les derniers orages, inclinant tousiours plus à nostre conseruation particuliere, & à l'accroissement de l'ordre, si le vent eust porté, qu'à ce qui est du bien public, resserrez dans le parc de nos nouveaux ba-

stions & forteresses, nous confiant plus en l'assistance muette, que tacitement nous promettent nos murailles, qu'au texte escript de l'Euangile, ny aux Epistres de saint Paul, quoy que souuent allegues par nos heraulxEuangeliques, ny mesme qu'en vos Edits & promesses, quelques authentiques qu'elles puissent estre, resolu nō de heurter vostre estat plus manque de puissance que de bōne volonté sur ce subiect, mais de nous biē deffendre, & de maintenir au peril de nos pauures ames, nostre loy pretēduē, ou peu entēdue, fuisse contre vous mesme, si vous en vouliez manger, ou qu'il vous print en phantaisie de rompre la paille le premier avec nous, ô protestation solemnellement faite au dernier Synode tenu à Chastelerault, de ne nous plus fier à personne à l'aduenir, non pas seulement à nous mesme, tant la conscience nous presse, & les annees precedentes nous ont cy deuant donné matiere de deffiance.

Mais quoy? serons nous tousiours muets, estropiats de la langue, comme nous le sommes de l'esprit, parmy tant

d'occasions de parler? & bien que soyons seruireurs inutiles en la vigne de l'Eternel, enfans reprouvez du Pere qui est es Cieux, citadins de Babylon, & non yfus de France, ny moins encor de Rome, ladres spirituels, paralyticques, verrollez, & tous crousteleus en la plus viue partie de l'ame. Toutesfois comme membres pourris de ce mesme corps, en pouuons nous dire trois mots qui soiēt bons, à l'ouuerture de ce tant Sainct, tant Auguste (s'il n'estoit point si diuisé) tant desiré des vns, tant reprouué des autres, si souuent differé, changé, grabelé, tourné, & remué bureau des Estats, & nous esliouir au moins en apparence, avec toute ceste noble Eglise, & comme l'Elixir de tous les ordres du Royaume de l'heureux succes de toutes choses, & de voir ce grand vaisseau de France s'en aller à l'anchre apres vne si violante, & furieuse tempeste: & comme nous sommes les derniers en hypothecque, & modernes en opinion, cōme carabins il nous faut tirer quelque meschant coup, apres tous les autres, & puis à Dieu pour la conseruation des

priuileges, & des droits de nos confreres, & pour la manutention de nostre ieune mere sainte Eglise, afin de leur tesmoigner que nous auons comparu en l'hostel de Bourbon, & que nous ne sōmes point venuz de si loing pour ne riē dire, & pour nous en retourner à vuide: que si nos raisons ne vallent, & ne sont receuēs selō le sens & la saulce que nous entendons leur donner, & qui n'appartient en cela, & par tout ailleurs, qu'à nous seuls, *valeat vt Valere potest.*

Nous sçauons, Sire, & ny à personne de nous autres quelques stapides, & Aueugles que soyons par ailleurs, qui ne sache bien qu'en la diuision, & au desordre public de vostre Royaume depend en partie nostre bien, & nostre calme, & qu'en la desunion, & foiblesse de vos bons, & naturels subiets, consiste la force, & l'accroissement des nouveaux freres en Christ, semblables en cela aux chenilles, aux Crapaulx, & autres bestes venimeuses qui ne prennent vie, & nourriture que des exhalations, & mauuaises vapeurs d'un Air infect, & corrompu; & comme ces antiens mise-

rables qui ne gagnons leur vie entre
 les Romains que parmy les charon-
 gnes puantes des morts, fournissant
 à prix d'argent les choses necessai-
 res aux obsecques des Trespassez :
 Ainsi nous ne nous esleuons que par les
 cheutes, & ruynes ciuilles, ne respi-
 rons que par les organes des dissentiōs
 publicques, ne proffitons qu'en la perte
 d'autruy ne nous paissions que du lait
 des mauuaises mœurs, ne nous gor-
 geons que par les fruidts des siecles cor-
 rompuz, & ne nous entretenons spiri-
 tuellement que par le suc des faulces
 opinions & doctrines: c'est pourquoy
 encor' que par tout ailleurs nous soyons
 escartez, & diuisez entre nous, si conue-
 nons nous tous en cela qu'il n'y a point
 vng chemin plus court, non pas seule-
 ment pour nous garentir, & mettre à l'a-
 bry du mauuais vent des Propheties qui
 nous menacent du costé du Midy, mais
 encor' de nous accroistre, & de proro-
 ger nostre engeance: que la continua-
 tion d'vne bonne Guerre intestine, &
 telle que nous la desirerions bien si nos
 souhaits estoient pris pour argent, cōp-

tant, ou que nous eussions la force à la
 main pour les auuthoriser : Ceroit alors
 que nous ferions valoir nos petites Sy-
 nagogues, & qu'au lieu que l'on nous
 va blasquant, & que les petits enfans
 huent les chiens le long des ruës apres
 nos religieux de Charenton, quant ils
 retournent de leur menues deuotions
 parfois lassés, mouillés, harassés, & crot-
 tes iusques aux fesses, par humilité ref-
 formatiue : L'on nous applaudiroit a-
 lors, l'on nous carresseroit, & recher-
 cheroit l'on comme necessaires plus
 pour nos bonnes places & pour nos Ia-
 cobus, qu'eu esgard a nos personnes, &
 vaillances : Et vous mesme, Sire, series
 le premier a nous embrasser, & à nous
 attirer par l'esperance de belles promes-
 ses (sauf à nous à y aduiser) affin de
 vous seruir de nous, ainci que l'on est
 souuent contraint recourir au venin le
 plus subtil des viperes, pour remede con-
 tre les violantes maladies: beaucoup de
 vos predecesseurs en ont ainsi vsé en leur
 necessitez, & s'en sont tresbien trouuez,
 & c'est auiourd'huy vng traict d'estat de
 se seruir mesme des ennemis de Dieu, &
 de son

de son Eglise quant il est question de regner, & n'importe de quel costé ou bon, ou mauuais, ou a droit ou a gauche nous arriue le secours au regne ou nous sommes, s'il y a du vice il n'est qu'en ce que l'on n'en scait pas ben vser, vostre defunct pere qui a sceu regner sur tous les enfants de Pharamond a bien praticqué ceste maxime a nos despens & bien sceu prandre de nous ce qui estoit du bon, & laissé ce qui estoit de mauuais apres n'auoir plus affaire de nous. Il est deuant Dieu, grand bien luy fasse ausi bien nestes vous pas resolu de le nous rendre, au moins s'il ne nous eust point faulcé, compagnee peult estre seroit il mieux, il ce peult faire ausi qu'il feust encor pis,

Or le Sieur de Bouillon (lequel nous nommons icy par honneur, & en la pressance, plus pour le respect deub a son aage, & a sa qualité, que de son merite, & fidelité en nostre endroit) Encor qu'il ait souuent bandé compaignon, thesmoin la bonne volonté qu'il nous fist paroistre a la momerie iouee a Saumeur, si esce qu'au dernier acte de ses troubles

derniers il auoit asses bien commancé
 pour en venir la, & bien qu'il s'y feust
 porté plus par les aisles de son profit,
 particulier que pour le zelle qu'il eust à
 la confrairie, si auoit il fort artificieuse-
 ment dresse le plan d'vne seconde ligue,
 & d'vne contrebatterie pour destourner
 le court de vos nopces d'Espagnes, &
 pour boucher les aduenüs de Bayon-
 ne, s'il eust rencontré gens selon son hu-
 meur & qui l'eussent segondé. Car si
 vous Monseigneur le Prince, (nous par-
 lons a vous comme seul guarend de la
 faute des autres) si vous eussiez eu du iu-
 gement, & de l'experience autant com-
 me il en failloit en l'execution d'vne tel-
 le entreprise & que vous eussiez sceu
 mieux à propos vous seruir de l'occa-
 sion qui ne se rencontra iamais telle eus-
 siez vous lettres de viure aussi long tēps
 qu'à fait Ichā des temps) & presuposé
 que vous ne nous eussiez cy deuant dō-
 né subiect de meffiance) nous vous eus-
 sions thesmoigné en effect combien des
 gens desesperéz tels que nous sommes,
 eussent peu en peu d'heure faire & d'ex-
 ploitz, & de chemin à la confusion de

cest Estat, estant raalliez sous la cor-
 nette d'un chef d'importance tel que la
 nature seule vous a fait & que deburiez
 estre si vos actions lasches n'eussent des-
 menty vostre rang, & qualité: nous en
 auons autrefois assez rendu de preuues
 sous les enseignes de vos predecesseurs
 (que pleust il au Seigneur que vous les
 eussiez voulu imiter en leur croience):
 & n'auons cy deuant que trop laissé de
 viues marques de nos velleurs grauees
 dans les desmolitions publiques des
 Eglises du plat pais & eussions bien passé
 outre si l'Eternel n'y eust pourueu & que
 par vne iuste vengeance.

*Celuy qui vouloit abolir la Messe,
 N'eust esté guindé sur vne Asnesse.*

Il est vray que nous l'auons assez hon-
 nestement bien payé du depuis à cent
 pour cent, & expié ceste faute par l'efu-
 sion du sang de nos deffants ancestres &
 martyrs, & ne craignons point de ceste
 part, encor' moins d'ailleurs, à faulte de
 satisfaction les peines du lieu que les
 bonnes femmes apellent le purgatoire:

mais toujours en cela sommes nous loüables que quelque depesche qu'on ait fait de nos personnes, & quelque furieux Haraut qui ait esté crié sur nous aux saisons les plus caniculaires pour nous, nous auons toujours trouué inuention de nous guarentir comme la mauuaise herbe parmi le bon bled, de subsister & roidir contre les coups comme la palme, & encor de nous multiplier à la mode des liepures de Låde, qui plus sont chassés & plus foizonnent de nouveau, encor que cela soit aduenu plus par la conuience de nos Roys passez, que par nostre propre vertu & suffisance.

Quoy que ce soit, si ceste derniere mine eust ioué à nostre contantement, nous eussions fait beau ieu: & fault que nous disions franchement (que seruiroit-il de le dissimuler parmy des yeux si clers voyants) que nous y fussions allez & de cul, & de teste, & que nous n'y eussions rien espargné, ny nos bources, ny nos thresors qui ne sont pas petits, ny nostre credit, & faueur enuers les Estrangers, nos confederez, iusques

à faire ouuerture réelle aux Princes Li-
guez, de nos bonnes villes, & haures,
en retenant tousiours neantmoins par-
deuers nous, les originaux d'iceux. Et
si aussi bien l'entreprise de Poictiers eust
reussi, comme elle debuoit par appa-
rence humaine, veu les grandes intelli-
gences que nous auions au dedans : si
ce diable & seditieux d'Euesque ne nous
eust donné vn reuers de sa croffe, &
malediction Episcopalle, *que mal de terre
le vire*, & luy & son nepueu, nous ne
serions en peine aujourd'huy de venir
icy de si loing faire les veaux en qua-
lité de Suppliants, de demander les
mains joinies vne continuation de tre-
ues, & d'attendre icy vn reglement à
l'aduenir, & qu'on nous donnast nostre
depesche, telle qu'il plaira à Messieurs
ordonner, ou bonne ou mauuaise, au
hazard. Ah Poictiers! Poictiers! la crize
de nostre bon ou mauuais heur, nous
ne pouuons parler de vous que la lar-
me à l'œil, si vous nous feussies tombé
en partage, nous ne prendrions main-
tenant loy que de nous mesmes, & in-
solents plus que jamais porterions l'es-

pee au' poing, le feu, & la sedition par
 tous les recoins du Royaume: Poictiers
 nous eust seruy de tiltre, habille a pren-
 dre possession, & acquerir par force les
 terres de nos voisins, & à nous rendre
 proprietaires de tout ce que nous te-
 nons en France comme par precaire:
 Poictiers nous eust esté vne gallerie
 pour nous esgayer en toute seureté par
 tout le Poictou, Saintonge, Brouage,
 Angoumois, quelque finesse que puis-
 se auoir le Sieur d'Espernon, & nous
 seruiroit de plâche pour trauerfer la Gas-
 congne, & le Languedoc, malgré vous
 Monseigneur le Prince, & quelque
 promesse que nous vous eussions faite
 au contraire, puis de là fussions saultez
 en Espagne, & couru à bride abatue ius-
 ques dans Madric, & là desduit nos
 causes & moyens d'oposition, touchant
 le mariage pretendu, peut estre nous
 fussions nous aduisez d'aller iusques
 dans Rome visiter sa Saincteté.

Mais tant d'heur n'auoit pas à nous
 arriuer, & sommes contraints confes-
 ser que le Seigneur a eu esgard à vo-
 stre ieunesse & innocence, Sire, & que

c'est de vous, de qui mysticquement entend parler le Prophete sous ces mots.

*Des ma ieunesse il m'ont fait mille affants,
Mon Loys peut à ceste heure bien dire
Des ma ieunesse ils m'ont fait mille maux,
Mais ils n'ont peu me veindre ny destruire.*

Et que l'Eternel qui par vne prouidence particuliere veille, & fait ronde sur le bien de ceste France, en consideration du grand nombre de reliques, & par l'intercession de Messieurs Sainct Victor, Sainct Marceau: mesdames Saincte Geneuiefue, Saincte Menchouft, & autres Saincts de reputation, dont les corps dorment icy, & ailleurs, iufques à ce que le Seigneur les reueille, & lesquels il nous faudra en fin bõ gré malgré, aduouer, & reconnoistre, & le ferios desapreset cõme deslors, & deslors comme desapresent, n'estoit vne particuliere liberte, qui nous fait preferer ce qui est de l'aize du corps au salut de l'ame: de façon que l'Eternel ne voulant point encores perdre ce Royaume, à

ietté de la pouffiere dans les yeux, & du desordre dans l'esprit de ces ieunes eceruelez de Princes, & rendu semblables à ces beaux maistres maçons de Babylloë, à ce que ayans des yeux ils ne peussent voir, des oreilles, ils n'entendissent point les belles offres que tacitement nous leur faitions, & des mains pour ne point combattre, & ne toucher à rien. Le Sieur de Neuers auroit encor de l'esprit, & de l'adresse assez, s'il n'y auoit point tant de vanité, & d'ambition en son faict, comme il le tesmoigne encor assez en ceste assemblee, de laquelle il a ecliplé, crainte qu'il a eu de n'estre pas assez hault monté. Le Sieur de Vendosme, qui faict aussi deffault à ceste assignation par maladie de petite verolle, attendant mieux, auoit assez bien faict pour son regard, veu la ieunesse dont il est plain, & faict suffisamment du cheval eschappé, pendant six mois en ceste Bretagne, & tellement deuenu fort en bouche, qu'il n'y auoit moyen de l'arrester, pour auoir peut estre esté trop tost seuré de l'escole de Pluuiel son premler Maistre. Tout alla pour vn

temps

temps assez bien soubs son adueu en ce
 pais là, thesmoing les venditions ô grace
 qui se faisoient soubs son autorité,
 des femmes mariees vendues au plus
 offrant, ô faculté de recouffe octroiee
 aux maris, & sauf huittaine, sans ne-
 antmoins que l'usage que les sol-
 dats auons faict de leurs corps, peust
 estre precompté, sur le prix, & fort
 principal avec mille aultres petites gen-
 tilleffes dignes d'un bon gouverneur,
 & en eust bien faict d'aultres, s'il n'eust
 esté interrompu par vostre voyage de
 Bretagne, (voyage) par parentheze que
 nous redoutrions fort, & nous auez fort
 obligez de ne nous venir point visiter
 avec vostre grande queuë: somme tout
 ledit Sieur de Vendosme, à honne-
 stement bien payé les frais de ce
 voiage suyuant la taxe qui en fut fai-
 te à Nantes, par patentes expresses
 de vostre Maiesté du vingtdeuxiesme
 d'Aoust dernier, par lesquelles luy fi-
 stes l'honneur de le declarer mineur
 sur le faict de son pretendu gouverne-
 ment, & de l'enuoyer avec la cape &
 l'espee, sans gardes, ny aucune retrai-

re foubz la tutelle des Sieurs de Briffac, & de Montbazon qui luy en pourriont tenir vn iour vn bref estat, & compte: Du depuis fa minorité, il a tousiours fait diette à Anet, & faict minutter des griefs à son Secretaire Morin, plus pernietieux, s'il estoit aussi habille, meschant, que ne fut onc celuy de vostre predecesseur, & premier de vostre race (Madame) Prince, & Duc de Florence.

Quel remede donc aujourd'huy, puisque toutes choses sont desesperées pour nous de ce coste là, & que tout secours diuin & humain, nous a manqué au besoing, nous n'en voyons point d'autres, Sire, sinon de faire des chiens couchants, & mesnageants ce que nous auons de bled curé, sans en entreprendre d'auantage, nous soubmettre du tout à boire toutes sortes de Calices, iusques à voir, & à prester le ioug, comme beaux mulets de Poictou, à tout ce qu'il vous plaira, & à l'assemblee nous donner de charge, nous reposant au reste en vostre bonté, & en la seureté de vos Edits, qui ne nous ont point encor manqué iusques icy: Nous aurions bien en-

cor' du venin assez, si nous en pouuions
 seruir, & si auions de la force pour le
 pousser, & sçauons de bonne part que
 grand nombre de ceux qui tiennent icy
 des premiers rangs, & en la iustice & ail-
 leurs, seroient de nostre' bord, s'ils o-
 zoient librement dire ce que bon leur
 semble, mais depuis que ces nouveaux
 Prestres à hauts collers, & à plats cha-
 peaux, ont sappé & prins possession de
 vos oreilles Royales, & qu'ils ont mis
 le nez par tout, encor que l'on ne les y
 demande pas, toutes nos actions, & en-
 treprises sont demeures sans vigueur,
 & toutes nos requestes, & nos deman-
 des vaines, & sans effect: Et ne nous
 seruiroit de rien, non plus qu'il a fait
 cy deuant, & ne seroit que perdre le
 temps, & abuser de l'audience des Es-
 tats, de demander d'autres villes de re-
 traite, & pour nostre plus grande seu-
 reté que celles que nous possedons de
 longue main, encor' aussi peu serions
 nous ouys de reiterer la proposi-
 tion que nous fismes nagueres: qu'il
 pleust au Roy que les dixmes que le
 Clergé absorbe sur nos propres, feuf-

sent employees à l'entretènement de nostre Nouitiat, & seminaire espars çà & là cōme vne pepiniere fertile, pour peupler nos Escolles, & chaires priuees. Cela nous a esté souuentefois refusé, c'est pourquoy encor' que cela semble quelque peu raisonnable, nous ne demourons plus importūs sur ce ton là. Et puis pour nous acheuer de peindre, & pour nous aider, l'on a nommé de la part de l'Eglise vn Chef, qui de tout temps, & luy & les siens ont esté cōms Dieu le sçait fauorables à nostre petite Congregation, c'est vous monseigneur le Cardinal de Ioyeuse, le plus ancien conseiller du Sainct Conclauc, bras droit, grand mignon, & premier Chambellan du Pape, & le grand ressort qui faictes apres luy mouuoir toute la Caballe spirituelle, Dieu sçait le beau dessert que vous nous appresteres sur la fin, Hazard, l'on ne nous sçauroit faire pis qu'on a faict par le passé, mais que nous nous puissions tirer d'icy nos brayes sauues, & que nous n'ayons qu'vn hors de cour & de proces baste, nous n'aurons pas beaucoup de quoy nous plaindre pour nostre particu-

lier, pour ce qui est du general, nous n'y auons pas beaucoup d'interest, & ne nous chault pas beaucoup quel ordre l'on mette au reste des affaires, moyennant que les nostres aillent bien: Il est vray que tout ce grand corps d'estat merite & a besoin d'vne grande reparation, & nous les beaux premiers, si nous estions susceptibles de raison, l'Eglise s'en va au bordel, & auroit grand besoing d'vne saignée pour vider, & euacuer les mauuaises humeurs, qui dominēt dās les parties les plus nobles d'icelle. La iustice est vng pur brigandage, & les palais assurees retraictes de voleurs, en vng mot pour bien faire, ainsi qu'on faisoit doubte si ce Nauire de Thesee rapiecee, & rebasty de tant de pieces par l'antiquité, & longneur du temps, estoit le mesme qui auoit esté premierement construit: Seroit de besoin de renouveler du tout, & ietter en nouveau moule tant l'estat Ecclesiasticque que seculier, en sorte qu'on vint'a le decognoistre, comme ayant faict quartier neuf. Pour la pauvre noblesse, elle est plus digne de compassion, que d'enuie, elle

est assez meshaignee & affligee d'elle
mesme. Le feu Roy vostre pere en feist
de son viuant vne assez ample refforma-
tion, mais tout cela ne nous importe,
cest a vo⁹ Messieurs des Estats à y aduiser
le Sainct Esprit vous assiste & vous con-
duise en telle sorte, que vous ne fassiez
ny ne concluyes rien qui puisse preiu-
dicier a nostre petite congregation,
Ainsi soit il.



